



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Quaestio 221. Quid praeterea notandum sit circa jurisdictionem.

urn:nbn:de:hbz:466:1-42433

in anno alium Confessarium, potest & tene-
tur illis cum dare Episcopus: quod si nec is fa-
ciat, ipsæ eligere possunt. *Quint. t. 3 f. 26. ex De-
clar. Cardin. apud Barbos.*

A D D E N D A.

Quest. 221. *Quid præterea notandum sit circa 1549.*
jurisdictionem. Bz. seqq. §. 1. Jurisdictio hæc,
est jus dicendi seu ferendi sententiam Sacramen-
talem circa pœnitentem sibi confessum. Et pro-
babilius videtur, quod subjectio fidelium & ju-
risdictionis Sacerdotum nunc immediatè habeat-
tur jure ecclesiastico, ita ut Christus hanc pote-
statem commiserit Ecclesiæ dandam Sacerdo-
tibus, uti tenent Sot. Ledesm. Suar. Valent. Cón.
Lug. d. 15. f. 2. Castrop t. 23. p. 13. Avers. q. 16. f. 2.
Arr. d. 39. n. 6. & eruditè Sylv. in Ref. Cas. post p.
1. Orat. 2. contra S. Anton. Nav. Ang. Vasq. Becan.
Amic. qui putant à Christo tribui cum potesta-
te Ordinis: nam 1. si jurisdictionis sit à Christo,
non apparet, quomodo Ecclesia possit eam li-
mitare vel tollere, uti non potest tollere pote-
statem Ordinis ad consecrandum, inferior enim
non potest tollere potestatem à Superiore da-
tam. Si dicas, Ecclesiam facere, ut fideles non
maneant subditi, contrà est, nam si jurisdictionis sit
data Sacerdoti à Christo, ergo à Christo est su-
perioritas illa Sacerdotum supra fideles, ergo
hoc ipso fideles constituti sunt subjecti sacerdo-
tibus, non enim potest esse horum superiorita-
tas sine illorum subjectione, ergo Ecclesia non
poterit impedire illam subjectionem fidelium.
2. Sicuti potestas jurisdictionis invenitur in
Parocho non Sacerdote sine potestate Ordinis,

ita videtur conformius dici, quod potestas Ordinis reperiri possit sine potestate jurisdictionis. 3. Potestas Ordinis consistit in caractere ipso, potestas autem jurisdictionis in deputatione extrinseca Ecclesiae seu collatione cuiusdam Superioritatis in ordine ad usum clavium circa subditos.

1550. §. 2. Probabilius est Apostolos in Ordinatione sua immediatè accepisse à Christo jurisdictionem: succedentes tamen Sacerdotes habuerunt à Petro vel ab eius successoribus, *Suar. & Arr. d. 30. n. 8. Putat quidem Barb. De off. Episc. p. 1. tit. 1. c. 1. n. 7. omnes Apostolos in ultima coena esse à Christo ordinatos Sacerdotes, solum autem Petrum esse ordinatum Episcopum, qui reliquos ordinavit Episcopos, & pro sententia citat Turrecrem. Bellarm. Henriq., sed non invenio fundamentum: hinc fatetur ipse met postea à n. 31. omnes Apostolos accepisse immediatè à Christo suam potestatem jurisdictionis, attamen subordinatam dispositioni Petri.*

1551. §. 3. Probabilius est Episcopus nunc habere jurisdictionem suam mediante Papâ, alioquin neque solus Petrus dici potuisset petra, super quam fundaretur tota Ecclesia, neque Papa posset sibi reservare casus invitis etiam Episcopis, quod tamen facit, *Bellarm. De Pontif. l. 4. c. 2. Barb. à n. 18.*

1552. §. 4. Confessarii Ordinum Mendicantium & aliorum exemptorum, qui cum ipsis participant in privilegiis, habent immediatè à Papa jurisdictionem in quosvis Christi fideles, suppositâ tamen approbatione Episcoporum, ubi hæc requiritur, & obtentâ etiam facultate suo-

rum

rum Superiorum, secundum dicta num. 1520.
1546., uti pluribus probant *Chassaing* De priv.
Regular. t. 5. c. 2. prop. 4. *Aversa* f. 9. §. Septimo.

§. 5. Quoad venialia, quilibet Sacerdos ha- 1553.
bet jurisdictionem in Religiosos Societatis J E-
SU, *Suar. De Relig. T. 4. tr. 8. l. 2. c. 16. n. 1.* Et hoc
declaravit *Mutius* Generalis anno 1633.,
quamvis *Claudius* Generalis dissuadeat, tum
quia potest esse mortale, quod apparet veniale
& sic non absolvitur, tum quia Regula præscri-
bit non confiteri alteri quam suo ordinario.

§. 6. Probabilius est jurisdictionem vi, metu 1554.
vel fraude extortam sufficere ad validè absol-
vendum, quia concessio manet voluntaria sim-
pliciter, *Sanch. Cón. Less. De just. l. 2. c. 17. n. 37.*
contra *Dicast. d. 10. n. 181.* *Nec obstat*, quòd con-
cessio jurisdictionis sit quædam donatio, quæ
supponit titulum perfecti voluntarii, nam non
est opus, ut in omnibus sequatur naturam do-
nationis, quâ dominium rei suæ transferatur,
sed hic satis est esse voluntariam permissionem
absolvendi tales suos subditos, ad quos per-
mittens simul retinet omnem priorem suam
jurisdictionem.

§. 7. Jurisdictio in pœnitentes non potest 1555.
acquiri solâ consuetudine, uti expressè declarat
Bonifacius VIII. Cap. Si Episcopus 2. De pœnit.
& remiss. in 6. Si tamen consuetudini accedat
consensus saltem tacitus Superioris, jam vi hu-
jus consensûs datur jurisdictio: & ita per con-
suetudinem acquiri jurisdictionem asseritur
Cap. Cum contingat. 13. De foro compet. Cap.
Romana. 5. De sent. excomm. in 6. Cap. Duo
simul. De off. ordin. & in Trid. sess. 22. c. 3. De re-
form. Non sufficit autem consensus interpre-

tativus vel prudenter præsumptus, quem daret aut certò creditur daturus Superior, si rogaretur: neque etiam sufficit rati habitio de futuro danda, *Lugo d. 19, à n. 21.* sed requiritur consensus de præfenti existens & aliquo signo manifestatus, quale est juxta communem cum *Aversa f. 4. §. Sextò*, si Superior videat vel sciat simplicem Sacerdotem audire confessiones & non prohibeat, quando sine incommodo posset, qui enim tacet in his, quæ ad ipsum pertinent, & in quibus deberet ac posset contradicere, consentire videtur, secundum *Reg. 43. Juris in 6.* Peccat tamen Sacerdos, qui incipit audire confessiones necdum existente consensu Superioris, quia invalidè audire incipit, quamvis postea accedente consensu Superioris videntis & non contradicentis validè absolvat, *Cón. apud Dian. p. 3. t. 4 R. 68.*

1556.

§. 8. Ex dicto tacito consensu Ordinariorum possunt existentes extra suam parochiam alibi confiteri, & Parochus aut Sacellanus approbatus potest audire confessiones alienorum parochianorum infra suam parochiam accedentium non requisito accedentium Parocho, quia Ordinarii vident hoc fieri & silent, *Sot. Suar. Vasq. Moya d. 7. q. 2. n. 9.*

1557.

§. 9. Quando alicui datur jurisdictio, ut administret Sacramenta ad subsidium seu requisitionem aliorum Parochorum, subsidium consistit in eo, quòd proprius Parochus ipsemet deberet administrare ex officio, si foret præfens: Requisitio autem fit per eos, qui advocant, quod hi in casibus Parocho absente, ejus nomine facere censentur. Deinde hæc clausula, *Ad Pastorum subsidium & requisitionem*, datur pro

cura

cura subsidiaria, & additur ad excludendam curam principalem, eo fine, ut habens talem facultatē, in casu, quo denominaretur ad curam principalem, sub poena nullitatis ante investituram pro illa principali cura se etiam novo examini sistat.

§. 10. Ille, cui in particulari iurisdictione delegatur, debet habere notitiam illius delegationis sibi factae, alioquin invalidè operatur, quia non censetur concedi, nisi acceptetur. *Sanch. Cón. Aversa* q. 16. f. 5. Si tamen toti Ordini religioso data esset iurisdictione, Sacerdos talis Religionis re ipsa illam haberet & validè ex ea operaretur, quamvis nesciret se habere quia Ordo acceptasset pro ipso, *Lugo* d. 19. n. 17. Similiter si Confessarius putans se habere potestatem absolvendi ex uno titulo, eam ex isto titulo non habuerit sed ex alio sibi jam ignoto, validè absolvit, quia implicite intendebat facere, quantum posset, ex quocumque titulo posset, *Lugo* n. 18.

Q. 222. An quisvis Sacerdos non tantum pro articulo sed etiam pro periculo mortis habeat iurisdictionem. *R. §. 1.* Articulus mortis tum dicitur esse, quando mors moraliter certa proximè instat, uti si quis ex morbo vel vulnere ad extrema devenit, ita ut inde credatur infallibiliter moriturus: item si ex sententia Iudicis sit morte afficiendus. Et articulo mortis hic æquivalet, si quis sit in proximo periculo perpetuae amentiae, *Sylvius* post p. 1. *Orat. 1.* Periculum mortis tum dicitur esse, quando sub dubio vel timore probabili expectatur mors, uti in prælio, in morbo vel itinere periculoso, in longa navigatione maritima. Item in periculo mortis sunt Banniti,

ti,